

Bosna i Hercegovina  
Federacija BiH  
Kanton Sarajevo  
Skupština Kantona Sarajevo  
n/p g. Elmedin Konaković, Predsjedavajući

## ZASTUPNIČKO PITANJE

Peta radna sjednica Skupštine Kantona Sarajevo

Pitanje resornom ministru/ministrici:

Roditelj maloljetnog djeteta koje je do prošle godine pohađalo Osnovnu školu Malta, Sarajevo me je zamolio da postavim ovo pitanje. Naime, nakon što ga je direktor te škole u februaru prošle godine nasumično povezao sa izvjesnim kritičkim tekstom u Oslobođenju (čiji je ovaj roditelj vanjski saradnik), jedna od učiteljica je počela psihički maltretirati njegovo devetogodišnje dijete tako da su roditelji svoje dijete morali prebaciti u drugu školu, iako stanuju u zgradi koja je u neposrednoj blizini škole Malta. Roditelji su se obratili inspekcijama u KS koje su utvrdile da je škola Malta, u ovom konkretnom slučaju, prekršila propise.

Inspektorat prosvjetne inspekcije KS je u julu prošle godine u inspeksijskom nadzoru utvrdio da škola Malta nije postupila u slučaju njegovog djeteta u skladu sa Protokolom o postupanju škole u situacijama nasilja. Inspekcija je tim povodom izdala i odgovarajuće rješenje na koje direktor škole nije blagovremeno uložio žalbu, da bi tri mjeseca nakon rješenja direktor počeo da tvrdi da škola uopšte nije u obavezi da postupi prema odredbama tog Protokola. U pomoć direktoru je pritekao bivši ministar Kazazović koji je na kraju svog mandata, posve nezakonito, poništio pomenuto rješenje Inspektorata prosvjetne inspekcije.

**Pitanje glasi: da li su osnovne škole u KS u obavezi poštivati odredbe Protokola o postupanju škole u situacijama nasilja na koje je saglasnost dalo Ministarstvo za obrazovanje, nauku i mlade KS i kada će Ministarstvo odgovoriti na dopise i dokaze roditelja učenika o kršenju propisa i zakona od strane direktora osnovne škole Malta?**

### OBRAZLOŽENJE:

Postoje mnogi pokazatelji da psihosocijalna klima u školama (ovdje se referišem na državne obrazovne institucije) nije na zadovoljavajućem nivou. Mene, kao zastupnika i građanina, zanima da li ova vlada i resor obrazovanja planiraju sistemski reagovati na moguću epidemiju vršnjačkog i drugog (fizičkog i nefizičkog) nasilja, ako ne u društvu, onda barem u institucijama kojima je nadležna.

Sarajevo, 27.02.2019. godine

Poslanik SDP BiH u Skupštini Kantona Sarajevo

Damir Nikšić